

儀

禮

正

義

儀禮正義卷二十五

鄭氏注

績溪胡培壘學

記疏

正義曰吳氏廷華疑義云案記不應有傳此自公子為其母至惡笄有首布總以上疑為經文凡衰外削

幅以下則記文也今案凡衰外削幅以下無傳故吳氏云然蓋亦泥於子夏作傳之說也盛氏世佐云諸說不出一手亦非一代所成似為近之餘詳篇首目錄下及士冠禮記下

公子為其母練冠麻衣縗緣為其妻縗冠葛經帶麻衣

縗緣皆既葬除之

公子君之庶子也其或為母謂妾子也麻者總麻之經帶也此麻衣者如小功

布淡衣為不制衰裳變也詩云麻衣如雪縗淺終也一染謂之縗練冠而麻衣縗緣三年練之受飾也檀弓曰練練

衣黃裏縗緣諸侯之妾子厭於父為母不得伸權疏曰言為制此服不奪其恩也為妻縗冠葛經帶妻輕

公子謂父存也大功章言公之庶昆弟則父沒也父沒為母妻大功父存則制此服馬氏云不見日月者既葬而除

喪禮記卷二十五 鄭氏注

之無日月也鄭氏謂三月而葬詳下注云公子君之庶
 子也其或為母謂妾子也者以公子是適夫人第二子以
 下及妾子之統稱對適長子一人言故云庶子但適妻所
 生子為母皆得伸其正服故知此為母謂妾子為所生母
 也為妻則庶子皆同云麻者總麻之經帶也者五服總麻
 最輕故舉以為言案下解麻衣云如小功此云總麻者總
 麻與小功經帶同也記先言麻而後言麻衣故知此麻指
 首經與要帶言也云此麻衣者如小功布淡衣為不制衰
 裳變也者案襍記大夫上宅與葬日有司麻衣鄭注麻衣
 白布淡衣閒傳又期而大祥素縞麻衣鄭注麻衣十五升
 布淡衣也謂之麻者純用布無采飾也彼麻衣制同而不
 用小功布為衣異故鄭云此麻衣者以別之也案淡衣用
 十五升布此用小功布而云如淡衣者如其制度耳蓋淡
 衣連衣裳為之此記言麻衣不言衰裳故知亦如淡衣不
 制衰裳是變於正服也知用小功布者詩蟋蟀孔疏云大
 功章公之庶昆弟父卒為母大功父在之時雖不在五服
 之例其縷歲細空降大功一等用小功布李氏云父在士
 之子為其母妻期大夫之庶子為其母妻大功則公子空
 為其母妻小功矣故知此麻衣用小功布也引詩麻衣如
 雪者證麻衣用白布耳其實彼箋解麻衣為淡衣裳淡衣

純以采麻衣純以布二者不同而詩箋謂麻衣卽漢衣者以其皆用白布故得通稱也云縹淺絳也一染謂之縹者說文絳大赤也縹赤黃色是縹爲淺絳也一染謂之縹爾雅文爾雅又云再染謂之縹三染謂之縹引之以證一染之爲色淺也云練冠而麻衣縹緣三年練之受飾也者五服皆用生布此用練熟布爲冠故云練冠也說文練凍也段氏注云凍者澗也澗者浙也浙者沃米也凍繪沃諸水中如沃米然已凍之帛曰練今案布之名練亦是已凍者方氏慤謂用練帛爲冠非矣沈氏彤云練冠升數經傳無文今以既葬受冠升數推之則斬衰當八升齊衰當九升開元禮練冠入升九升是也此麻衣之練冠當十升注云此麻衣如小功布小功降服十升則練冠亦十升也服四制曰父母之喪十三月而練冠是練冠爲餘服非正服蓋奪其正服卽以餘服爲正也沈氏大成云注當鬢縹緣二字今本脫蓋上一句乃謂練冠而著麻衣者則縹緣也對麻衣之名漢衣中衣者以采緣名長衣者以素緣而言下云縹緣三年練之受飾也乃專釋縹緣二字今案沈說是緣是飾邊之名三年之受以縹爲練之受飾故下卽引檀弓以明之亦是餘服非正服也檀弓曰練練衣黃裏縹緣鄭注小祥練冠練中衣以黃爲內縹爲飾是也此縹

緣用纁色布為之賈疏於纁冠則云以布為纁色於纁緣則云以繪為纁色一纁而解為二失之矣又聞傳期而小祥練冠緣據孔疏亦是緣衣與檀弓同敖氏乃謂為緣冠尤誤云諸侯之妾子厭於父為母不得伸權為制此服不奪其思也者公子被厭不得為母服今於五服外權制此服以達其情是不奪其母子之恩也云為妻纁冠葛經帶妻輕者以為妻麻衣纁緣與母同而以纁為冠以葛為經帶與母異是妻之禮輕於母也馬氏云天子諸侯之庶子為其妻輕故纁冠葛帶義與鄭同

傳曰何以不在五服之中也君之所不服子亦不敢服

也君之所為服子亦不敢不服也君之所不服謂妾與庶婦也君之所為服

謂夫子與適婦也諸侯之妾貴者視卿賤者視大夫皆三月而葬疏正義曰傳問為母

之中怪其輕而問也敖氏云君之所不服子亦從乎其君而不敢服之傳以此釋其所以不在五服中之意君

之所為服子亦各以其服服之傳又因上文而并言此以見凡公子之服與不服其義皆不在己也注云君

之所不服謂妾與庶婦也君之所為服謂夫人與適婦也者邵氏寶云庶母於君為妾庶子之妻於君為庶婦君服妻不服妾服冢婦不服庶婦君之所不服而權制此服焉故在五服之外云諸侯之妾貴者視卿賤者視大夫皆三月而葬者大戴禮口口篇文也或謂此十八字當屬上經注文之末賈疏云鄭意注傳云君之所不服謂妾與庶婦也下乃解妾有貴賤葬有早晚故至此引之其說是也案穀梁傳云公子之重視大夫卿大夫三月而葬則公子之妻亦三月而葬可知○李氏云齊王子有母外其傳為之請數月之喪孟子曰是欲終之而不可得也如謂此也公子既以厭降其母妻為其母妻之黨無服其妻於公子之黨自如其本服服之舅不厭婦故也服問曰有從輕而重公子之妻為其皇姑有從無服而有服公子之妻為公子之外兄弟有從有服而無服公子為其妻之父母是也錢氏大昕潛研堂答問云問王子有其母外者其傳為之請數月之喪陳氏暘謂王子所生之母外厭於嫡母而不敢終喪古人之於嫡庶若是其嚴乎曰陳氏之說本於趙邠卿謂王之庶夫人外迫於嫡夫人不得行其喪親之數其實不然也禮家無二尊故有厭降之義父卒為母齊衰三年

而父在則期厭於父也禮尊君而卑臣亦有厭降之義天子諸侯絕期大夫降故大夫之庶子在為其母大功公子父在為其母無服厭於尊也凌先生云父在為母齊衰期厭於父至尊也若庶子為後者為母總庶子不為後者則記所云公子為其母練冠麻衣緇緣不在五服之中矣皆厭於父至尊故也經傳無厭於嫡母之文孟子集注引陳氏說蓋沿趙岐之誤

大夫公之昆弟大夫之子於兄弟降一等也兄弟猶言族親

此求疏正義曰大夫以尊降公之昆弟以弟尊降大夫之

則同是以總云降一等也注云兄弟猶言族親也者此

兄弟所包甚廣凡翁親期功以下皆是賈疏云下云小功

以下為兄弟恐此兄弟亦據小功以下皆得降故曰猶族親

也則此兄弟及下文為人後者為兄弟皆非小功以下也今案賈氏此辨甚確據下傳注云於此發兄弟傳者嫌大

功已上又加也然則小功以下為兄弟一語專指兄弟皆

在他邦不及知父母與兄弟居者而言不可以解他處兄

弟明矣近人泥於小功以下四字於兄弟之義遂多窒礙

難通沈氏彤云賈云上經當已言訖恐猶不盡記人總結
之案大功章云大夫為世父母叔父母子昆弟昆弟之子
為士者又云大夫大夫之妻大夫之子公之昆弟為姑姊
妹女子子嫁於大夫者小功章云大夫公之昆弟大夫之
子為其昆弟庶子姑姊妹女子子之長殤又云大夫大夫
之子公之昆弟為從父昆弟庶孫姑姊妹女子子之適士
者四條之中若世叔父姑姊妹昆弟從父昆弟昆弟之子
其外若小功章從祖祖父從祖父從祖昆弟從父姊妹及
從父昆弟之子昆弟之孫皆此經所謂兄弟也蓋從父以
上為祖父之兄弟即特牲饋食禮之長兄弟也昆弟以至
從祖昆弟為己之兄弟即特牲之眾兄弟也從子以下為
子孫之兄弟即特牲之兄弟也姑姊妹女子子為父
及己之女兒兄弟即特牲之內兄弟也是兄弟者乃古人
親之通親故鄭以族親解之四條外小功章諸親降一等
為總此大夫以下三人絕總則
彼無服矣記之總結蓋明此義

為人後者於兄弟降一等報於所為後之兄弟之子若子

言報者嫌其疏正義曰校勘記云於兄弟之於要義作為
為宗子不降疏與上疏合案各本皆作於今從於又於所

為後之兄弟之子若子自唐石經至今相傳各板本皆如
 是敖氏疑之子二字為衍近金氏禮箋據通典載賀循為
 後議引作於所為後之子兄弟若子遂改其文於是戴氏
 校儀禮集釋程氏撰喪服足徵記因之雖其說不同而皆
 以石經為誤凌先生云記文本明近儒據通典改作於所
 為後之子兄弟若子好奇者多從其說竊謂儀禮有開成
 石刻可憑通典傳刻易淆未可據以改經也今案盧氏詳
 校阮氏校勘記皆從金戴之說非當以唐石經為正○記
 曰為人後者是以此四字提首而下一言其本宗服一言
 其所後服兩兩相應於兄弟降一等報為本宗旁親之服
 也於所為後之兄弟之子若子為所後旁親之服也言若
 子則不降等矣言若子則其相為服自見不必言報矣於
 本宗則降於所後則不降重一本也此兄弟即昆弟記文
 言兄弟者六言兄弟服者二下文兄弟皆在他邦與兄弟
 居傳指為小功以下其言兄弟服亦指小功以下言之齊
 衰三月章傳曰小功者兄弟之服也是兄弟服指小功以
 下言也此節兄弟及上兄弟皆不指小功以下辨已見前
 鄭於上兄弟及下凡委為私兄弟皆以族親解之而此節
 無注則知兄弟即謂昆弟矣於兄弟皆以族親解之而此節
 人後者為其昆弟大功為其姊妹適人者小功是也云為

昆弟而曰兄弟蓋兼姊妹言之然降一等之服已見於經而記復言之者爲報言也段氏經韻樓集云經未言報故記補言報以足之與不杖章爲其父母報一例此說是也又云兄弟二字當作其昆弟三字則臆斷不可從耳近儒因傳小功以下爲兄弟一語遂謂兄弟與昆弟異不知以服而言則兄弟不可爲昆弟以人而言則昆弟亦可稱兄弟且儀禮爲人後者後大宗於其父母昆弟姊妹外皆不制降一等之服而惟以所後之親疏爲斷辨見小功章爲人後者爲其姊妹適人者下記不云所爲後之兄弟而云所爲後之兄弟之子所爲後之兄弟之子亦兄弟也因上兄弟而類及也後人者無親兄弟而容有從兄弟沈氏形云所爲後謂我所爲之後之人所爲後之兄弟之子今於已爲從兄弟若子者言如親子之服大功也因服本親兄弟而及今之從兄弟也褚氏寅亮云於所爲後之兄弟之子若子指爲人後者服所後者之芻親也二說較然分明視金戴諸家之據通典曲解者豈不允當乎褚氏又云有親兄弟之子乃取疏遠以爲後者或昆弟止一子或有可爲後者而廢疾不任事也今案斬衰章傳曰何如而可爲之後同宗則可爲之後是爲後不必定屬親兄弟之子也○張氏爾岐云注所謂宗子指爲人後者恐人疑入繼大

宗主宗事本親不為降服故云報明兩相為服皆降也
今案據此注則儀禮所謂為人後者皆後大宗益明矣

兄弟皆在他邦加一等不及知父母與兄弟居加一等皆

他邦謂行仕出游若辟仇疏正義曰兄弟皆在他邦加一

不及知父母父母早卒疏等者以其俱在異地無家室

之親而有外者則生者為之服加一等如無服則為之總

總則加服小功小功加服大功愍其客外故也不及知父

母與兄弟居加一等者謂幼小父母俱亡不及知之依兄

弟同居而兄弟外則此不及知父母者為加服一等此雖

不在他邦而亦加者所以若其撫育之恩也或謂不及知

父母者外而此與居之兄弟愍其孤幼為加一等之服非
矣褚氏云此乃為加以加於本服之外也若應降不降不
可謂加注云皆在他邦謂行仕出游若辟仇者此釋所
以在他邦之由也行仕出游為一事辟仇為一事若猶及
也見王尚書經傳釋詞行仕出游謂因行道求仕而出游
如孔子周流列國是也辟仇謂若周禮調人云兄弟之讎
辟諸千里之外從父兄弟之讎不同國是也吳氏廷棻補
被放者一層謂若晉放其大夫胥甲父于衛是也又云在
他邦不必同行或先後相值亦是耳此駁賈疏之說也案

在他邦亦容有同行者亦容有先後相值者二說相兼乃
倫云不及知父母父母早卒者此謂父母卒而其子尙小
故不及知也

傳曰何如則可謂之兄弟傳曰小功以下爲兄弟於此發兄

弟傳者嫌大功已上又加也大功已上若皆在疏正義

他國則親自親矣若不及知父母則固同財矣疏曰傳

何如一問是問加一等者爲何如兄弟耳小功以下爲

兄弟謂小功及總袒免無服之兄弟皆當加一等也

注云於此發兄弟傳者嫌大功已上又加也者大功之

服本重不可再加兄弟又爲昆弟之通稱若不明其爲

何等兄弟恐人疑期服大功之親亦加也經記言兄弟

者多矣獨於此發小功以下爲兄弟之傳明專指此節

而言不可泥此傳以解他處之兄弟也云大功已上若

皆在他國則親自親矣若不及知父母則固同財矣者

此明大功以上不必加之義也蓋此兄弟是疏遠者故

在他邦加一等若大功以上則本是親屬服稱其情無

庸復加也又大功以上有同財其居之義其人幼小而

父母卒則固當撫育之以其爲義所當然不必加服也

朋友皆在他邦袒免歸則已

謂服無親者當為之主每至袒時則袒袒則去冠代之以

免舊說以為免象冠廣一寸已猶止也歸有主則止也主

若幼少則未止小記曰大功者主人之喪有三年者則必

為之再祭朋疏正義曰敖氏云朋友相為弔服加麻也此

友虞祔而已亦為其客於外尤可哀憐故加一等而

為之袒免以示其情歸於其國則復故而如其常服故曰

歸則已也於於他邦者朋友袒免兄弟加一等其意正同

此云歸則已兄弟雖歸其加服固自若也亦足以見親

疏之殺矣今案大傳曰五世袒免殺同姓也今為朋友而

袒免比於同宗五世之親是加服也○校勘記云注舊說

下集釋要義敖氏俱無云字沈氏大成云士喪禮注及周

禮司服注引舊說皆無云字今案嚴本有云字衍文云

謂服無親者當為之主每至袒時則袒袒則去冠代之以

免者謂在他邦無親屬為主喪則朋友服之即當為之主

也既為之主則遇禮節有當袒時亦必袒袒則不當著冠

故代之以免此釋禮所以袒免之由也問喪曰冠者不肉

袒何也曰冠至尊也不居肉袒之體也故為之免以代之

也此鄭義所本云舊說以為免象冠廣一寸者案士喪禮

眾主人免于房注云舊說以為免如冠狀廣一寸義互詳

被汪氏琬云宋儒程氏大昌嘗辨袒免謂免如字不當音
問又曰不應別立一冠名之為免予則曰布廣一寸從頂
交額而卻繞於紛是故不成其為冠也鄭氏亦未嘗以冠
名之也程氏曰解除吉冠之謂免如免冠之免予則曰此
非禮經之意也禮禿者不免謂其無紒可繞故不免也又
問喪曰免者以何為也曰不冠者之所服也既云所服則
必有其服而不上於不冠矣程氏曰衰經冠裳俱有其制
而袒免則元無冠服故經莫得而記予則曰經文有之矣
小記斬衰括髮以麻為母括髮以麻免而以布是免用布
也用布即免之制也左傳韓之戰秦穆公獲晉侯穆姬使
以免服衰經逆則免之有服審矣有免而括髮者為母喪
也有免而不括髮者為屬及五世之喪是也華氏學泉云
袒者去衣也喪禮凡踊先袒將袒先免故曰袒而踊之又
曰袒成踊是袒以踊也冠者不袒故為免以代之是免以
袒也又有事則袒故飯含主人南面左袒扱諸面之右凡
斂者袒大斂主人及親者袒既夕啟殯商祝免袒之類凡
動變皆袒於事便也大斂之前主人及總麻皆免既殯總
小功不免也虞卒哭則免之故當事而袒免者五服之所
同也但五世親盡宜袒則免之故當事而袒免者五服之所
服耳今案汪氏辨免之制甚精華氏說袒之義亦詳并錄

之云已猶止也者已字有數義此已字則作止解詩毛傳

亦云已止也云歸有主則止也者以朋友在他邦無為之

主故袒免歸有主則不袒免也又云主若幼少則未止者

此鄭推出一義蓋據小記朋友虞禘之文故即引以為證

也小記曰大功者主人之喪有三年者則必為之再祭朋

友虞禘而已彼注云謂外者之從父昆弟來為喪主有三

年者謂妻若子幼少大功為之再祭則小功總麻為之練

祭可也今案主人之喪謂為人主喪再祭謂練祥言主幼

少而大功之親為之主喪則必為之練及祥朋友主喪者

但虞禘而已既云虞禘矣則歸而其子尚幼無近親為之

主喪朋友亦必為之主是未止也褚氏云注言為之喪

主更補記未備今案注言歸猶未止亦備記所未備也

朋友麻曰羣居則經出則否其服弔服也周禮曰凡弔當

事則弁經服弁經者如齋弁而素加環經也其服有三錫

衰也總衰也疑衰也王為三公六卿錫衰為弔服常事則弁

大夫士疑衰諸侯及卿大夫亦以錫衰為弔服常事則弁

經否則皮弁辟天子也士以總衰為喪服其弔服則疑衰

也舊說以為士弔服布上素下或曰素委貌冠加朝服則

語曰緇衣羔裘又曰羔裘玄冠不以弔何朝服之有乎然

論

則二者皆有似也此實疑衰也其弁經皮弁之時則如卿大夫然又改其裳以素辟諸侯也朋友之相為服即士弔服疑衰素裳冠則皮弁加經庶(疏)正義曰賈疏云上文據人不齊弁則其弔服素冠委貌(疏)在他國加袒免今此在國相為弔服麻經帶而已孔氏穎達云麻謂經與帶皆用麻既葬除之朱子云五服皆用麻朋友麻是加麻於弔服之上也案禮言朋友麻而不言師服者程子云師不立服不可立也如顏閔於孔子其成己之功與君父並其次各有淺深稱其情而已下至曲藝莫不有師豈可一槩制服今案弔服加麻師與朋友同見檀弓注而其異於朋友者心喪三年出行亦經檀弓曰事師服勤至外心喪三年又曰孔子之喪二三子皆經而出是也注云朋友雖無親有同道之恩相為服總之經帶者謂朋友雖非親屬而有同道之恩故於其嫂也相為之服論語曰以文會友以友輔仁是有同道之恩也知用總之經帶者以五服唯總最輕也引檀弓曰羣居則經出則否者證朋友服是也云居則經也彼注云羣謂七十二弟子相為朋友服是也云居則經出則否者對上孔子之喪皆經而出言也家語子游曰吾聞諸夫子喪朋友居則經出則否喪所尊雖經而出可也檀弓主人既小斂袒括髮子游襲裘帶經而入鄭注所弔

者朋友是知朋友之喪服麻經帶也云其服弔服也者以
記但云朋友麻而不言衰則不別制衰但用弔服而加麻
經帶焉可知故云其服弔服也云周禮曰者司服職文鄭
引以證弔服也云凡弔當事則弁經服者沈氏大成云周
禮司服本文作凡弔事弁經服無當字則字此因小記有
當事則弁經之語而誤衍云弁經者如齋弁而素加環經
也者案司服注同彼注又云經大如總之經襍記曰小斂
環經公大夫士一也鄭注環經者一股所謂纏經也孔疏
若是兩股相交則謂之絞今云環經是周道纏繞之名故
知是一股纏繞也云其服有三錫衰也總衰也疑衰也者
據司服言也云王為三公六卿錫衰為諸侯總衰為大夫
士疑衰者司服文彼注云君為臣服弔服也鄭司農云錫
麻之滑易者十五升去其半有事其布無事其縷總亦十
五升去其半有事其縷無事其布疑衰十四升衰玄謂疑
之言擬也擬於吉褚氏云疑之言擬以十四升布擬於十
五升之吉布也蓋自三升以至十二升凶服也十五升吉
服也若用十三升則嫌為凶服十二升之等差故闕之不
用而用十四升以取擬吉之義敖氏謂取疑似之義甚無
謂也易文言陰疑于陽必戰漢儒亦訓為擬云諸侯及卿
大夫亦以錫衰為弔服當事則弁經否則皮弁辟天子也

者案喪服小記曰諸侯弔必皮弁錫衰下記曰大夫弔于命婦錫衰服問曰公為卿大夫錫衰以居出亦如之當事則弁經大夫相為亦然襍記曰大夫之哭大夫弁經大夫與嬪亦弁經是鄭義所本惟司服王三衰其首服皆弁經諸侯有弁經皮弁之異故云當事則弁經否則皮弁辟天子也鄭注服問云不當事則皮弁與此注義同注司服云國君於其臣弁經他國之臣則皮弁與此注義與喪服小記孔疏申之謂皮弁錫衰有二義一則弔異國臣皮弁自弔己臣弁經一則自弔己臣而未當事則皮弁至當事乃弁經也云士以總衰為喪服其弔服則疑衰也者大夫以上無總服士有總服故弔服不以總衰而以疑衰也云舊說以為士弔服布上素下或曰素委貌冠加朝服論語曰緇衣羔裘又曰羔裘玄冠不以弔何朝服之有乎者此鄭引論語以破舊說也引羔裘玄冠而併引緇衣羔裘者以緇衣用布而素裳與玄冠皆是朝服不以弔也司服注亦引舊說而破之云然則二者皆有似也者賈疏云以其未小斂已前容有著朝服弔法則子游曾子弔是也又布上素下近士之弔服素下故云皆有似也江氏筠云素下之說是矣其引檀弓為證恐非鄭義朝服所以云似者以其布十五升而疑衰則十四升相近故也云此實疑衰也其

弁經皮弁之時則如卿大夫然又改其裳以素辟諸侯也
者謂士之弔服實疑衰其當事弁經不當事則皮弁亦
與卿大夫同惟諸侯疑衰用疑裳士疑衰改以素裳是辟
諸侯也司服注亦云士當事弁經疑衰變其裳以素耳敖
氏謂士當事素冠則庶人用何冠以弔乎敖說非也云朋
友之相為服即士弔服疑衰素裳者謂此朋友麻即用疑
衰素裳而加麻也云庶人不爵弁弔服素冠委貌者謂庶
人無爵弁故不用弁經而素冠委貌也注不言其服蓋亦
疑衰素裳可知賈此疏以爲白布淡衣案淡衣是庶人吉
服不當用以弔司服疏謂庶人弔服亦疑衰素裳與士同
而冠異其說得之餘詳下記傳曰錫者何也麻之有錫者
也下沈氏彤云朋友不必其爵之同惟其有成我而已
旣友之而賴其成則雖天子諸侯亦自當爲之服故是記
雖主大夫以下言之然不可云天子諸侯無朋友之服也
敖氏謂國君不相弔未必有朋友之服則彼豈不知同盟
之爲友邦遙哭之無殊於相弔歟且國君亦實有相弔之
時戴德云諸侯會遇相弔錫衰皮弁加經是也遙哭而
服弔服見檀弓疏即國君朋友之服也今案沈說是也

君之所爲兄弟服室老降一等

夫公士大夫

疏

正義曰臣從君服已見不杖期

章為君之父母妻長子祖父父母矣此記復言君故知是公士大夫之君也公士大夫稱君義已見前斬衰章兄弟服者指小功以下言之義詳下天子諸侯之臣重服從輕服不從此室老家臣即兄弟服亦從服是與天子諸侯之臣異故特記之降一等者如君服小功室老則服總也言室老不言邑宰賈疏謂邑宰遠臣不從服室老近臣故從君服義或然

夫之所為兄弟服妻降一等疏正義曰兄弟服者謂小功

曰小功者兄弟之服也是其確證晉成粲據此記以為嫂叔有服不知記明云夫之所為兄弟服不云夫之兄弟則兄弟指服言不指人言明矣庾蔚之謂蔣濟成粲排棄經傳苟樹己說誠然賈疏云妻從夫服即上經夫之諸祖父母見於總麻章夫之世叔見於大功章夫之昆弟之子不降嫂叔又無服今言從夫降一等記其不見者當是夫之從母之類乎沈氏彤云夫之姑姊妹見於小功章賈乃遺之此條是總括之辭若夫之從祖父母夫之從父母姊妹之類皆以小功而降為總夫之族曾祖父母族祖父母及夫之從祖姑姊妹通人者之類夫皆為之總妻皆降

而無服並包含於其中矣江氏筠云此與上室老兩條非
止為服不見者以此求之亦兼為不服者明之也蓋小功
降一等則總總降一等則無
服矣今案沈說江說是也

庶子為後者為其外祖父母從母舅無服不為後如邦人

疏正義曰云庶子為後者為其外祖父母從母舅無服者
以與尊者為一體於所生母止服總故於生母之黨無
服也邦人猶言眾人言庶子若不為後則為其母黨服與
眾人同也盛氏云不言從母昆弟舅之子者舉其重者而
輕者可知不為後如邦人據士禮而言也若公子大夫之
庶子為尊者所厭雖不為後於其母且不得伸三年於母
黨之服亦
不得伸也

宗子孤為殤大功衰小功衰皆三月親則月算如邦人

有不孤者不孤則族人不為殤服服之也不孤謂父有廢
疾若年七十而老子代主宗事者也孤為殤長殤中殤大
功衰下殤小功衰皆如殤服而三月謂與宗子絕屬者也
親謂在五屬之內算數也月數如邦人者與宗子有期之

親者成人服之齊衰期長殯大功衰九月中殯大功衰七月下殯小功衰五月有大功之親者成人服之齊衰三月卒哭受以大功衰九月其長殯中殯大功衰五月下殯小功衰三月有疏正義曰賈疏云宗小功衰五月其殯與絕屬者同有總疏子謂繼別為大宗麻之親者成人及殯皆與絕屬者同疏百世不遷收族者也孤為殯者謂無父未冠而外者也徐氏乾學云大功衰小功衰者益成人宗子外族人服之用齊衰今宗子而殯則服當降一等宗子服止三月無可得而降故不降其月數但降其衰制不用齊衰而用大功之衰小功之衰也期仍三月服之常也衣用功衰服之變也今案皆三月者謂三月而除之親則月算如邦人者謂親則月數與眾人同各隨其親服之不皆三月也注云言孤有不孤者不孤則族人不為殯服服之也者以記言孤明對不孤者而言不孤則其父尚在族人為其父服不為其子服與宗子之母在則不為宗子之妻服義同也云不孤謂父有廢疾若年七十而老子代主宗事者此鄭申言宗子有不孤之義也或父有廢疾不能主宗事而子代之或父年已七十老而傳家事而子代之是皆有父在不孤也云孤為殯長殯中殯大功衰下殯小功衰皆如殯

義禮王喪卷之二十一 禮疏五

服而三月者言此孤為殯之服亦中從上長殯中殯則用
大功衰下殯則用小功衰其服皆如大功小功之殯服而
月數則三也雖下殯不用總麻者重宗子也云謂與宗子
絕屬者也者言此服之三月者皆在五屬之外與宗子疎
遠本無服者也絕屬即大傳所云親屬竭矣也云親謂在
五屬之內者指本有服者言也云算數也者爾雅釋詁文
以下申言月算如邦人之義也云與宗子有期之親者成
人服之齊衰期長殯大功衰九月中殯大功衰七月下殯
小功衰五月者謂有期之親者宗子成人服之齊衰期殯
則遞降其月數如此也云有大功之親者成人服之齊衰
三月卒哭受以大功衰九月其長殯中殯大功衰五月下
殯小功衰三月者謂大功之親本九月宗子成人服之齊
衰三月卒哭受以大功衰以終九月之數殯則遞降其月
數如此也云有小功之親者成人服之齊衰三月卒哭受
以小功衰五月其殯與絕屬者同者謂小功之親本五月
宗子成人服之齊衰三月卒哭受以小功衰以終五月之
數殯則降等與絕屬者同三月也云有總麻之親者成人
及殯皆與絕屬者同者謂總麻之親本三月宗子成人服
之齊衰三月無受服殯無可降亦服三月是皆與絕屬者
同也徐氏乾學疑注大功成人服之齊衰三月卒哭受以

其以他故崩壞之事韓氏愈改葬服議云改葬者爲山崩
水涌毀其墓若文王之葬王季是也又云及葬而禮不備
者若魯隱公之葬惠公以有宋師太子少葬故有闕之類
放氏云如晉惠公改葬共世子之類案此非出於不得已
者故鄭不及之也云言改葬者明棺物毀敗改設之如葬
時也者謂棺柩及凡送葬之物有毀敗者皆改設之如葬
時故云改葬也云其奠如大斂者奠所以依神既啟壙見
尸柩必有奠其設之如大斂奠也云從廟之廟從墓之墓
禮空同也者案改葬未必朝祖而云從廟之廟者敖氏云
注言此者以微改葬之奠當如大斂耳蓋祖奠如大斂奠
故鄭氏以此況彼謂改葬之奠宜與之同也吳徐整問射
慈云此大斂謂如始祔之大斂邪從廟謂從何廟牲物何
用慈答奠如大斂奠士大斂特豚從廟廟朝祖廟從故墓
之新墓皆用特豚大夫以上其禮也以此推之大夫奠用
特豚天子大夫諸侯少牢云服緦者臣爲君也子爲父也
妻爲夫也者孔叢子衛司徒文子改葬其叔父問服於子
思子思曰禮父母改葬緦而除之不忍無服送至親
也非父母無服無服則弔服而加麻漢戴德云制緦麻具
而葬葬而除謂子爲父妻妾爲夫臣爲君孫爲祖後也無
遺奠之禮其餘親皆弔服今案鄭氏言臣爲君子爲父妻

爲夫者江氏筠云改葬究竟係誰改之三者皆是主改葬
之人所以其義獨精又通典載蔡謨等說以爲改葬宜斬
衰韓氏愈云經次五等之服小功之下然後著改葬之制
更無輕重之差以此知惟記其最親者其他無服則不記
也若主人當服斬衰其餘親各服其服則經亦言之不當
惟言總也其說是矣云必服總者親見尸柩不可以無服
者謂年遠改葬較之初葬雖有異但親見尸柩不可無服
也云總三月而除之者以總木服三月也馬氏云棺有弛
壞將亾尸匱故制改葬棺物敗者設之如初其奠如大斂
時不制斬者禮已終也從墓之墓事已而除不必三月唯
三年者服總期以下無服王氏云本有三年之服者道有
遠近或有艱故旣葬而除不得待有三月之限今案馬注
與鄭略同唯云事已而除不必三月爲異王注亦謂不待
三月後儒多從鄭說趙商荅陳樸問謂當待三月除以順
總之數賀氏循云鄭云三月者以親覩尸柩故三月以序
其餘哀庾氏蔚之云改葬所以總而不重者當以送亾有
已復生有節若用始亾之服則是舛其親故制總以示變
吉旣有其服若旬月而葬則當如鄭氏說卒總之限三月
而除若葬過三月者須葬畢釋服服爲葬設故也韓氏愈
云或曰經稱改葬總而不著其月數則似三月而後除也

子思之對文子則曰既葬而除之今宜如何曰自啟殯至
於既葬而三月則除之未三月則服以終三月也朱子云
禮宜從厚
從鄭可也

童子唯當室總

童子未冠之稱也當室者為父後承家事

至不可以
無服也
疏 正義曰李氏云問喪曰禮曰童子不總唯當
不杖不杖者不免當室則免而杖乃有總服也注云童
子未冠之稱也者古者二十而冠十九以下為童子也馬
氏云童子未成人也禮記疏引戴德云童子當室謂年十
五以上其意蓋以十五以下即未能當室也云當室者為
父後承家事者不為父後則自有任家事之人不必以童
子當之也惟其無父無兄而以身主家事則不能無與族
人往來晉接之時故云為家主與族人為禮也鄭注問喪
云當室謂無父兄而主家者也此注雖不言無父兄義當
與彼同若有父兄則不得云為家主矣敖氏謂童子當室
有父在者非也云於有親者雖恩不至不可以無服也者
言於族人無總麻之親者雖年稚恩義
未至然既與之為禮不可以無服也

傳曰不當室則無總服也

疏正義曰記言唯當室總則不當室自無總服而傳言

之者嫌期功之服亦無也蓋童子不當室雖無總服而

期功以上之服則仍服之故禮記曰童子哭不偯不踊

不杖不菲不廬謂服期功以上之親而缺此五事亦以

未成人寬之不責其備禮也然當室則於族人有總服

而於期親以上之服亦必備此五者故曰當室則杖言杖則五禮皆備可知矣

凡妾為私兄弟如邦人

疏然則女君有以尊降其兄弟者謂

士之女為大夫妻與大夫之女為諸侯夫人諸侯之女

為天王后也父卒昆弟之為父後者宗子亦不敢降也

正義曰妾言凡者總包諸侯之妾與大夫士之妾言不杖

期章曰公妾以及士妾為其父母知諸侯之妾亦同也天

子之妾當不服之如邦人者謂與眾人同注云嫌降降

之也者張氏爾岐云妾為私親疑為君與女君所厭降實

則不厭故服同邦人常法如女子子適人者之服也或曰

妾從女君而服女君之黨嫌不自服其黨故記明之云私

兄弟目其族親也者案兄弟之服所該甚廣此云私兄弟

明指妾本族之親言故鄭云目其族親也云然則女君有

以尊降其兄弟者謂士之女為大夫妻與大夫之女為諸侯夫人諸侯之女為天王后也者以記但云妾為私兄弟則是女君有以尊不同而降其兄弟有親之服者如士之女為大夫妻之類是也云父卒昆弟之為父後者宗子亦不敢降也者妾為父母已見經不杖期章此記言私兄弟明指昆弟有親言之大功章曰女子子適人者為眾昆弟是以適人降在大功也不杖期章曰女子子適人者為昆弟之為父後者以其為父後是小宗子婦人有歸宗之義故不降之而服期也此記既云如邦人則眾所降者降之眾所不降者亦不敢降故鄭申言之也此注當以昆弟之為父後者宗子作一句讀宗子即指為父後者李氏云如鄭義則繼嗣之宗子嫁者亦不敢以尊降也射慈譙周賀循以為大宗子亦不降案齊衰三月章婦人為宗子鄭謂女子在室及嫁歸宗者則出嫁者不服今案李說是也

大夫弔於命婦錫衰命婦弔於大夫亦錫衰
弔於命婦命婦於命婦也弔於

大夫大夫外也小記曰諸侯弔必皮弁錫衰服問曰公為卿大夫錫衰以居出亦如之當事則弁經大夫相為亦然為其妻往則疏正義曰注云弔於命婦命婦外也弔於大服之出則否夫大夫外也者鄭恐人以弔於命婦為命

婦夫舛而大夫往弔弔於大夫為大夫妻舛而命婦往弔故云然然則弔於命婦為命婦舛而弔其夫也弔於大夫為大夫舛而弔其妻也江氏筠云汪鈍翁以命婦弔大夫為非由未究注義耳秦氏蕙田云曲禮曰知生者弔大夫舛而命婦往弔其妻以與其妻相知故也何嫌於弔乎注引小記者證錫衰為弔服也引服問者證大夫相為之服則命婦相弔亦錫衰矣盛氏云此本與舛者無服故但服弔服而已

傳曰錫者何也麻之有錫者也錫者十五升抽其半無

事其縷有事其布曰錫謂之錫者治其布使之滑易也

者不治其布哀在外君及卿大夫弔士雖當事皮弁錫衰而巳士之相弔則如朋友服疑衰素裳凡婦人相弔

吉筭無疏正義曰敖氏云有錫疑當作滑易蓋二字各首素總疏有似以傳寫而誤也鄭司農注司服職云錫

麻之滑易者其據此記未誤之文歟沈氏彤云傳云有錫則有不錫者此蓋對總麻之無事其布而言不容破

字且破有錫為滑易恐上詳下略亦非言之序放誤也校勘記云案錫者滑易也有錫者治其布使之滑易也

有卽有事其布之有若但云麻之滑易則麻自滑易不
見有事其布之意敖言先鄭作滑易殊屬傳會○錫者
何也以錫在五服外故問也荅云麻之有錫者見錫亦
以麻爲之也十五升抽其半與總同詳總麻章傳下但
總則有事其縷無事其布錫則無事其縷有事其布此
錫與總所以異也祿記云加灰錫也卽此有事其布之
謂斬衰章傳云冠六升緞而勿灰然則不加灰雖緞不
可謂之有事也總衰云有事其縷蓋亦加灰治之敖氏
云錫不治縷則其縷不如總之細然弔服不可以無所
事旣不治縷則當治布也治其布則滑易矣所以謂之
錫○校勘記云注錫者不治其縷錫上徐本楊氏俱有
不字前總麻三月者傳疏引此注唯聶氏無不字各本
俱有哀在外也徐本無也字亦與總麻疏合雖當事徐
陳集釋俱作雖毛本雖作唯重修監本誤作准皮弁錫
衰而已徐本無弁字張氏曰監本云皮弁錫衰從監本
則如朋友服下徐本集釋俱有矣字今案錫上有不字
非也皮下無弁字亦非餘俱從徐本云錫者不治其
縷哀在內也總者不治其布哀在外者鄭注周禮司服
同褚氏云哀在內哀在外指所哀之人言以內外臣分
布縷之治否也當善會云君及卿大夫弔士雖當事皮

弁錫衰而已者賈疏云士輕無服弁經之禮有事無事皆皮弁錫衰而已若然文王世子注諸侯為異姓之士疑衰同姓之士總衰今又言士與大夫同錫衰者此與士喪禮注同亦是君於此士有師友之恩者也沈氏形以注雖字本作唯賈出注語作雖謂鄭意主錫衰而言故云唯賈意主皮弁而言故作雖通解續及楊圖竝從賈但此注本因錫衰而及之主皮弁言者誤也唯當事皮弁錫衰而已明不當事則皮弁疑衰也此與文王世子注不相違與士喪禮注則文同而意異彼經云君若有賜焉明君於此士有師友之恩故得與大夫同錫衰此注但云弔士未見有師友之恩故唯當事錫衰而已蓋諸侯為卿大夫常錫衰為士唯當事錫衰為士有師友之恩者亦常錫衰輕重等差皆各有其義也又此云當事錫衰專謂將葬啟殯之時若大斂與殯則主人未衰弔者亦安得而衰哉故知鄭不兼言之又卿大夫弔士其冠不與君同蓋當事弁經也今案詳注而已語氣似作雖為是而沈說辨析極細故竝附錄於此以待後人考正云士之相弔則如朋友服矣疑衰素裳者詳前朋友麻下云凡婦人相弔吉筭無首素總者因記言命婦弔錫衰而未言首服故特明之云凡者謂卿大夫妻

與士妻也鄭注檀弓亦云婦人弔皆吉筭無首素總孔

疏以為大戴禮文李氏云婦人筭總相將男子弔服素

冠故婦人素總為父母卒哭折吉筭之首故弔服吉筭

無首也○凡弔服之見於經注者周禮司服曰凡弔事

弁經服鄭注弁經者如荷弁而素加環經司服又曰王

為三公六卿錫衰為諸侯總衰為大夫士疑衰其首服

皆弁經鄭注君為臣服弔服也此天子之弔服也禮記

喪服小記曰諸侯弔必皮弁錫衰服問曰公為卿大夫

錫衰以居出亦如之當事則弁經鄭注不當事則皮弁

又鄭注文王世子云君雖不服臣卿大夫外則皮弁錫

衰以居往弔當事則弁經於士蓋疑衰同姓則總衰以

弔之又鄭注司服云諸侯亦以錫衰為弔服喪服小記

曰諸侯弔必皮弁錫衰則變其冠耳又云國君於其臣

弁經他國之臣則皮弁又鄭注上朋友麻云諸侯亦以

錫衰為弔服當事則弁經否則皮弁辟天子也以小記

及服問考之諸侯惟有錫衰弔卿大夫之文而首服有

皮弁弁經二者據服問云當事則弁經不當事自皮弁

也鄭氏以天子皆弁經諸侯不皆弁經而變其冠為皮

弁辟天子又謂諸侯於己國之臣弁經於他國之臣皮

弁其諸侯弔士之服經無明文鄭氏於文王世子注謂

同姓之士總衰異姓之士疑衰於此注云君弔士雖當
事皮弁錫衰而已明當事不弁經以別於弔己國卿大
夫也但其服云錫衰不云疑衰又士喪禮君若有賜焉
則視斂旣布衣君至注云主人成服之後往則錫衰皆
與文王世子注異孔賈二疏以士於君有師友之恩故
錫衰釋之詳士喪禮君若有賜焉下經惟言諸侯錫衰
據鄭注則三衰俱有孔賈申之以司服云公如王之服
轉次相如故知諸侯亦有孔賈申之以司服云公如王之服
記云大夫弔于命婦錫衰命婦弔于大夫錫衰禮喪服
小記謂大夫相為亦如公為卿大夫錫衰以居當事則
弁經又曰為其妻往則服之出則否襍記曰大夫之哭
大夫弁經大夫與殯亦弁經鄭注弁經者大夫錫衰相
弔之服也又鄭注朋友麻云卿大夫亦以錫衰為弔服
當事則弁經否則皮弁辭天子也又鄭注司服云大夫
士有朋友之恩亦弁經案大夫之於大夫弁經已見襍
記及小記則此注始為大夫於士言也大夫於士有朋
友之恩弁經則無朋友之恩者不弁經此注云卿大夫
弔士雖當事皮弁錫衰而已此卿大夫之弔服也上朋
友麻注云士以總衰為喪服其弔服則疑衰也又云其
弁經皮弁之時則如卿大夫然又改其裳以素辭諸侯

也朋友之相為服即士弔服疑衰素裳此注云士之相
 弔則如朋友服矣疑衰素裳注司服云士當事弁經疑
 衰變其裳以素耳案士弔當事弁經則不當事亦皮弁
 上注所謂弁經皮弁之時如卿大夫也此士之弔服也
 又朋友麻注云庶人不齎弁則其弔服素冠委貌檀弓
 疏謂鄭注不顯所著之服文承疑衰素裳之下則庶人
 亦用疑衰或者庶人布淡衣冠素委貌也司服疏則謂
 庶人冠素委貌疑衰素裳與士服同而冠異今案淡衣
 是庶人吉服不當用以弔似孔疏前說及司服疏為是
 矣此庶人弔服也此記云命婦弔錫衰鄭注檀弓魯婦
 人之髮而弔也云禮弔服大夫之妻錫衰士之妻則疑
 衰歟皆吉筭無首素總此婦人弔服也以上所論皆主
 人成服以後之弔服見於經注而可考者如此

女子子適人者為其父母婦為舅姑惡筭有首以髮卒哭

子折筭首以筭布總言以髮則髮有**疏**正義曰女子子適

為舅姑其服皆期已見不杖期章因經未言首服故記明
之惡筭有首以髮異於斬衰三年者之箭筭而髮此并髮

連言是已成服之髮也詳斬衰章布總箭筓髮衰三年下
盛氏云惡筓有首差飾也然則箭筓無首明矣卒哭子折
筓首以筓子謂女子子也初喪亦惡筓有首以髮至卒哭
後或有事歸於夫家則易吉筓而折其首以著之敖氏云
以筓者著筓之稱也以筓則不復髮矣布總兼子與婦言
之盛氏云此不專為女子子發乃言於子折筓首之下者
欲終言筓制而後及之耳今案檀弓南宮縉之妻為姑總
八寸鄭注云齊衰之總八寸餘詳斬衰章布總經及傳下
○舊解有云髮無筓故鄭辨之李氏云南宮縉之妻之姑
之喪夫子誨之髮蓋榛以為筓髮筓之文相連亦髮有筓
之證江氏筠云髮有二種一為去筓之髮士喪禮婦人髮
于室及既夕所云髮者是也一為著筓之髮此記所言及
斬衰章箭筓髮是也以其可去筓故髮得與免相對又以
其可著筓故免僅施之當事而髮得用於平時也今案鄭
言髮有著筓者則固有
不著筓者江說是也

傳曰筓有首者惡筓之有首也惡筓者櫛筓也折筓首
者折吉筓之首也吉筓者象筓也何以言子折筓首而

不言婦終之也

者若今時刻鏤插頭矣卒哭而喪之大

事畢女子子可以歸於夫家而著吉筭折其首者為其

大飾也吉筭尊變其尊者婦人之義也據在夫家宜言

婦終之者終子疏正義曰傳恐人疑箭筭亦有首故云

道於父母之恩筭有首者惡筭之有首也以別之而

即申言之曰惡筭者櫛筭也明非箭筭敖氏因傳云筭

有首而疑記文惡字為衍非又記但云折筭首傳恐人

疑為折惡筭之首故云折筭首者折吉筭之首也又云

吉筭者象筭也言吉筭以象骨為之據周禮弁師天子

諸侯皆玉筭王后夫人當亦同此象筭蓋謂大夫妻以

下也吉筭尺二寸喪筭長尺亦見斬衰章傳下記初言

女子子及婦之筭髮後乃獨言子折筭首而不及婦故

傳發問以明之也○校勘記云注喪之大事畢闕監葛

本喪俱誤作筭吉筭尊至義也十二字徐本集釋俱在

折其首者上今本枉為其大飾也下通解無盧云案其

語意似今本為是若不先言折其首則所謂變者何指

賈疏順文為釋與今本合今案變其尊謂變惡筭而吉

筭非指折其首言也詳賈疏是上下牽連總解而其述

注則於女子子可以歸於夫家之後即述吉筭尊云云

明不與今本同盧說非仍從徐木云櫛笄者以櫛之
 木為笄或曰榛笄者蓋見檀弓有榛以為笄之文而兩
 解之也賈疏據玉藻櫛用櫛櫛謂櫛用櫛木為之故鄭
 云以櫛之木為笄故鄭兩存之也敖氏云此傳之櫛疑
 即檀弓之榛蓋聲相近而轉為櫛耳經義述聞云榛木
 不得謂之櫛沐所用之櫛亦有象櫛但云櫛笄何以別
 於下文之象笄且櫛木為笄則直稱櫛笄可矣何必迂
 回其文而云櫛笄乎蓋櫛當讀為即即柞木也柞木蠹
 惡故以為喪笄爾雅曰櫛采薪采薪即薪舍人曰櫛名
 采薪又名即薪樊炎曰荆州柞木曰采木是采薪即薪
 皆柞木之別名單言之則或曰采或曰即即韓子五蠹篇
 之采椽及此傳之櫛笄是也今案賈敖之說未的當從
 述聞為正云有首者若今時刻鏤摘頭矣者惠氏棟云
 鄭以摘頭解笄首笄之首猶摘之頭漢之摘古之笄也
 續漢志曰摘長一尺為簪今案鄭解有首在櫛笄之後
 是指吉笄之首言之故以漢時刻鏤摘頭況之也云卒
 哭而喪之大事畢女子可以歸於夫家者蓋葬畢而
 虞虞而卒哭是喪之大事畢也喪大記曰婦人喪父母
 既練而歸彼注云歸謂歸夫家也但既練而歸是正法
 卒哭後容有事而歸以其喪之大事已畢故亦可權許

之也云而著吉筭吉筭尊變其尊者婦人之義也者蓋歸夫家不可純凶筭在首為尊而首服尤以吉筭為尊若仍惡筭不變則恐舅姑以為嫌故易惡筭而著吉筭變其尊者為婦人之義也若布總之屬則不變之矣云折其首者為其大飾也者以首有刻縷太飾故折去之卒哭未練亦不可純吉也云據在夫家空言婦終之者終子道於父母之恩者以歸於夫家空言婦而仍稱子者以子是對父母之稱是欲終守子道不忘父母之恩也敖氏云終終喪也言婦惡筭以終喪無折筭首之事故不言婦也今案敖說與鄭異鄭以終喪無折筭首婦仍指女子言終之為終子道其說似迂曲不若敖以婦即記婦為舅姑之婦終之為終喪之順小記曰齊衰惡筭以終喪其證也後儒若張氏爾岐沈氏彤江氏筠盧氏文弨皆以敖義為長

妾為女君君之長子惡筭有首布總疏

正義曰妾為女君已見不杖期章此

記其首服并及為君之長子首服也妾為舅姑即包於上條婦為舅姑之中其為夫則箭筭見斬衰章賈疏云妾為君之黨服得與女君同故為長子亦三年李氏云妾之事女君與婦之事舅姑等故其首服同其為君之長子雖與

女君同三年而情本輕故從齊衰之首服亦惡笄有首布
總也敖氏云笄總與上同乃別見之者明其不髻也或曰
不言髻
省文

凡衰外削幅裳內削幅幅三衻削猶殺也大古冠布衣布

體也後知為下內殺其幅稍有飾也後世聖人易之以此

為喪服衻者謂辟兩側空中央也祭服朝服辟積無數凡

裳前三幅疏正義曰自此至祛尺二寸記喪服衰裳之制

後四幅也疏及尺寸之數也云凡者兼五服言之謂衰裳

外削內削及裳每幅三衻之制五服皆同也唯斬衰不緝

其邊齊衰以下則緝之為異耳李氏云外削幅者削布之

邊幅向外內削幅者幅向內也幅三衻者據裳而言敖氏

云衰外削幅者所以別於吉服之制亦如喪冠外畢之類

裳幅不變者衣重而裳輕變其重者以示異足矣故裳不

必變也今案衰為廣長當心者之正名而上衣亦通名衰

故以衰與裳對言也注云削猶殺也者廣雅釋詁削與

殺皆謂減故鄭以殺釋之謂減殺其幅之邊也高誘注淮

南亦云削殺也江氏永云論語非帷裳必殺之殺字與此
義異彼殺謂斜裁此削謂摺倒一寸注雖以殺訓削義實
虞書曰

不同然則衰外削幅者謂摺倒一寸向外也裳內削幅者謂摺倒一寸向內也云大古冠布衣布先知為上外殺其幅以便體也後知為下內殺其幅稍有飾也者謂大古時冠衣皆以白布為之士冠禮記曰大古冠布齊則緇之鄭注大古唐虞以上是也先知為上謂衣也後知為下謂裳也初時唯知便體故外殺其幅後稍知飾觀故內殺其幅云後世聖人易之以此為喪服者言大古時吉凶皆用此服後世聖人更定制乃專以此為喪服也云衿者謂辟也兩側空中也者莊子云形之與形亦辟矣釋文辟相著也然則辟兩側者謂以兩側相著合則其中自空也云祭服朝服辟積無數者朝祭之服謂六冕爵弁皮弁朝服玄端之屬辟積即衿也朝祭之裳每幅辟積無數此裳則限以三辟積亦其與吉服異者也云凡裳前三幅後四幅也者謂祭服朝服喪服之裳皆前三幅後四幅故云凡此卽論語所謂帷裳也賈疏云前為陽後為陰前三後四象陰陽也案帷裳之必須辟積者以其前三後四共七幅每幅二尺二寸兩畔各去一寸為縫仍存二尺七幅共十四尺若不辟積其要中則太寬與身不相附但人身有廣狹不同故辟積不定其數喪服之裳雖限以三辟積而亦不言其寸數多寡也至淺衣長衣之等連衣裳為之制十二

幅以應十有二月無碎積與帷裳異江氏永云淡衣裝用
布六幅裁為十二幅其當裳之前襟後裾正處者以布四
幅正裁為入幅上下皆廣一尺一寸又以布二幅斜裁為
四幅狹頭二寸寬頭二尺此四幅皆以狹頭向上寬頭向
下連屬於裳之兩旁別名為衽玉藻云衽當旁是也論語
所謂非帷裳必殺之者如此今案淡衣兩旁有斜裁倒縫
之衽故下廣上狹
要閒不須辟積也

若齊裝內衰外緝齊緝也凡五服之衰一斬四緝疏正義曰

外削幅裳內削幅者五服所同但五服之衰與裳有齊者
有不齊者故云若齊也齊謂緝其邊也去齊者謂斬也先
言裳而後言衰者齊本據裳言之曲禮去齊尺玉藻足如
履齊鄭注皆云齊裳下緝也論語攝齊升堂皇疏亦云齊
裳下縫故先言裳也注云齊緝也者據齊衰三年章傳
也云凡五服之衰一斬四緝者謂斬衰不緝齊衰三年章傳
功總麻四者皆緝故云一斬四緝也云緝裳者內展之緝
衰者外展之者說文展轉也謂轉其邊而緝之緝裳者則
先轉其邊於內緝衰者則先轉其邊於外而後施緝功也
此內外與削幅之內外同者亦所以別於吉服上外削內
衰禮記卷二十一

信禮工事... 三

削指布幅兩畔之邊言故言幅此則

指衰裳竟體之邊言故不言幅也

負廣出於適寸負在背上者也適辟領也
疏正義曰負亦

注敖氏引孔子式負版者為據江氏筠云論語此文承凶

服者式之之下敖豈謂所式凶服之獨此邪蓋祇見字面

同而喜為牽合與衣帶下尺句解作經帶之帶同一謬耳

注云負在背上者買疏云以一方布置於背上上畔縫

著領下畔坐放之以在背上故得負名云適辟領也者適

一名辟領詳下云負出於辟領外旁一寸者據下辟領並

闊中總尺六寸負之兩旁各出辟領一寸則尺八

寸也此言其廣也其長敖氏以為比於衰或然

通博四寸出於衰博廣也辟領廣四寸則與闊中八寸也

不著寸數疏正義曰適在兩肩博四寸者指一邊之適言

者可知也疏之出於衰者則合適之兩相并闊中言之也

注云博廣也者上言負廣出於適寸此言通博四寸出

於衰所云出者據橫闊而言鄭恐人疑博與廣有異故釋

之云辟領廣四寸則與闊中八寸也兩之為尺六寸也者

李氏云衣領當項處左右各開四寸向外辟厭之是為辟

領所開處則闊中也辟領與闊中每旁合為八寸通左右
計之則尺六寸衰廣四寸當心辟領旁各出衰外六寸闊
中或作闕中謂闕去中央以安項也今案下衣二尺有二
寸注加辟領八寸李氏亦云辟領賈氏作闕中以文義詳
之此注似作闕是也吳氏廷華云衣當領處縱橫各翦入
四寸以所翦各反摺向外覆於肩謂之適亦曰辟領其中
空者為闕中合左右前後方八寸通亦如之今案據吳氏
之說以為適方八寸則每旁覆於肩者縱有八寸而橫闊
止四寸合兩旁八寸并闊中為尺六寸也敖氏以為當項
之處縱廣四寸而橫之闊狹不定則與方領之制殊矣似
未可從云出於衰者旁出衰外者衰在胸前以兩肩辟領
而辟領兩旁有尺六寸則其出於
衰外可知故不必著其寸數也

衰長六寸博四寸
右廣衰當心也前有衰後有負版左
疏正義正

日注云廣衰當心也者衰長也言其上下左右適當心之
處也衰當心是前有衰也負在背上是後有負版也適在
兩肩是左右有辟領也云孝子哀戚無所不在者言衰與
負版辟領設於前後左右皆以表其哀戚之心是無所不
衰豐臣變

在也李氏云衰表其哀摧之心負言負其悲哀適言主於

念親不及他事今案黃氏榦楊氏復據注言孝子哀感無

所不在謂衰負辟頌惟子為父母用之此外皆不用敖氏

則謂凡凶服弔服無不有衰其辟頌亦當同之若負版則

惟孝子乃有之故記先言之也先大父云衰是綴於當心

之名而凶服弔服之上衣亦通名衰故經記每言大功衰

小功衰總衰錫衰疑衰皆指上衣言之非謂此長六寸博

四寸之衰也當以黃楊之說為正褚氏云邱氏落欲作一

外衿掩於內衿之上服之謂必如是衰乃當心非也

衣帶下尺衣帶下尺者要也廣疏正義曰五服皆言衰裳

衰下曰裳是通謂上衣為衰也此承上衰長六寸博四寸

之文則舉其實而言曰衣謂上衣也帶謂當帶之閒故鄭

以要釋之或以帶為經帶絞帶固誤即因注言要而以衣

帶下尺為衣要亦非裳有要而衣無要也云廣尺足以掩

裳上際也者此廣尺謂縱廣一尺故賈疏辨之云據上下

闊一尺若橫而言之不著尺寸者人有纒細取足為限也

又云言上際者對兩旁有衽掩裳兩相下際也吳氏廷華

云帶者腰閒當帶之處衣長二尺二寸不過及要與裳相

云帶者腰閒當帶之處衣長二尺二寸不過及要與裳相

云帶者腰閒當帶之處衣長二尺二寸不過及要與裳相

云帶者腰閒當帶之處衣長二尺二寸不過及要與裳相

接每不能掩故於當帶處以布綴之坐
下長尺以掩裳際也今案吳說最明晰

衽二尺有五寸也衽所以掩裳際也二尺五寸與有司紳齊

五寸正義曰玉藻云衽當旁鄭注衽謂裳幅所交裂也凡

則坐而放之屬裳則縫之以合前後上下相變江氏永云

衽者斜殺以掩裳際之名漢衣裳前後當旁明其不當中也鄭云

當旁而斜殺者名衽故經云衽當旁凡裳之衽也衽有二

凡衽者或殺而下或殺而上此廣解凡裳之衽也衽有二

朝服祭服褻服皆用帷裳前三幅後四幅裳際不連有衽

掩之用布交解寬頭在上合縫之狹頭在下如燕尾之形

即褻服篇衽二尺有五寸是也此衽之殺而下者也淡衣

之衽當裳旁亦交解而以狹頭向上寬頭向下此衽之殺
而上者也云衽屬於衣則坐而放之謂朝祭褻服之衽云
屬於裳則縫之以合前後即淡衣之衽也今案江氏言衽
制特詳故備錄之此注云衽所以掩裳際也者謂裳兩
旁之際本不連合故制為此衽以掩之云二尺五寸與有
司紳齊也者玉藻曰紳長制士三尺有司二尺有五寸此
衽二尺五寸是與紳齊也云上正一尺燕尾一尺五寸凡

傳布三寸五寸者戴氏震校集釋云燕尾一尺五寸各本

說作二尺五寸據三尺五寸之布裁成兩衽上下各頭正

一尺中一尺五寸交裁之得正一尺燕尾一尺五寸通正

與燕尾共二尺五寸為衽今改正校勘記云諸本皆誤唯

敖氏作燕尾一尺五寸不誤今案三尺五寸之布除去正

一尺者二仍一尺五寸斜裁之為兩燕尾各得一尺五寸

合正一尺為二尺五寸成上寬下狹之形以其寬頭綴之

於衣自上坐下如燕尾然玉藻注所謂或殺而下者此也

左傳魯昭公比及葬三易衰衰衽如故衰即此衽賈疏云

此謂男子之服婦人則無故鄭上斬衰章注云婦人之服

如淺衣則衰無帶

下又無衽是也

袂屬幅屬猶連也連

疏正義曰袂袖也注云屬猶連也

屬連也云連幅謂不削者李氏云布幅二尺二寸凡用布

兩邊各削去一寸為縫此袂則全幅用之屬之於衣欲其

與袂中縱橫正方也敖氏云袂屬幅而不削是繚合

之也此袂之長短蓋如淺衣之袂亦反詘之及肘

衣二尺有二寸此謂袂中也言衣者明與身參齊二尺二

寸其袖足以容中人之肱也衣自領至要

二尺二寸倍之四尺四寸加辟領入

寸而又倍之凡衣用布一丈四寸

本集釋通解楊氏俱作辟領李氏曰辟領賈氏作闕中今

案此計用布之數當作辟領為是今本作闕中則又因闕

中而誤也云此謂袂中也言衣者明與身參齊二尺二

寸其袖足以容中人之肱也者賈疏云上云袂據從身向

袂而言此衣據從上向掖下而言李氏云袂中謂袂自上

向掖下之廣狹也中人之肘尺二寸袂可以回肘故袂中

二尺二寸左右袂中與身參齊故舉衣之尺寸以見袂中

也布幅二尺二寸袂中與衣身長亦二尺二寸以其正方

故謂之端衰襍記曰端衰喪車皆無等無等者自天子達

於庶人也王氏廷相云此言衣者目袂之本及衣身而言

也今案淡衣云格之高下可以運肘彼注云格衣袂當掖

之縫也與此言袂中義同說文肘臂節也肱臂上也二者

相近故淡衣言肘而注以肱言之義亦同也云衣自領至

要二尺二寸倍之四尺四寸加辟領八寸而又倍之凡衣

用布一丈四寸者此計衣身用布多少之數未計及袂祛

及負衽之等也賈疏云自領至要皆二尺二寸者衣身有

前後今且據一相而言故云衣二尺二寸倍之為四尺四

寸總前後計之褚氏云倍二尺二寸為四尺四寸加辟領

長豐曰

八寸則五尺二寸矣此指一邊言也合左右兩邊言之則
其用布一丈四寸故注曰而又倍之云云楊氏復以而又
倍之句專指加於闊
中者言說太新而鑿

祛尺二寸祛袖口也尺二寸足以容中人之併兩
疏曰馬

氏云祛袂末也尺二寸足以容拱手也喪拱上手鄭義
與馬略同玉藻言淡衣之制亦曰祛尺二寸鄭注祛袂口

也袂即袖也馬云尺二寸足以容拱手而鄭云足以容中
人之併兩手也者以拱時必併兩手故有尚左尚右之分

也檀弓曰孔子與門人立拱而尚右二三子亦皆尚右孔
子曰我則有姊之喪故也二三子皆尚左是吉時拱尚左

手喪時拱尚右手也李氏云袂中二尺二寸自掖下微圖
裁之至袂口而狹止闊尺二寸淡衣曰袂圍以應規是也

襟記曰凡弁經其衰侈袂侈袂者蓋半而益一則其袂三
尺三寸祛尺八寸敖氏云此袂廣二尺二寸而祛尺二寸

亦謂圓殺一尺如淡衣之祛也此衣與祛衽帶下之度吉
服亦然特於此見之耳葛氏斯同云祛尺二寸者謂於二

尺二寸之袂縫其下一尺而其上一尺二寸不縫也故祛
謂之袖口乃通典謂繼袂之末又綴以廣尺二寸之布則

失之遠矣今案通典非萬說亦非當以圖般之說為是襍記所云其衰侈袂者大夫以上之弔服也

衰三升三升有半其冠六升以其冠為受受冠七升衰斬

或曰三升半者義服也其冠六升齊衰之下也斬衰正服變而受之此服也三升三升半其受冠皆同以服至尊空

少差也疏正義曰自此至篇末言斬衰齊衰及大功之受服也并言總衰衰冠之升數也以經各章俱未明言故

特記之案斬衰章傳云衰三升冠六升閒傳曰斬衰三升既虞卒哭受以成布六升冠七升即此記云以其冠為受

受冠七升也唯此記并言三升有半之衰為異耳以其冠為受者謂以初喪成服時冠六升之布為既葬後受衰之

布受冠七升者謂以七升之布為既葬後受冠之布也黃氏翰云案練再受服經傳雖無明文謂既練而服功衰則

記禮者屢言之服問曰三年之喪雖功衰不弔又曰有父母則服其功衰襍記曰三年之喪雖功衰不弔又曰有父母

之喪尙功衰而耐兄弟之殤則練冠是也案大功之布有三等七升入升九升而降服七升為最重斬衰既練而服

功衰是受以大功七升布為衰裳也斬衰章賈疏云斬衰裳三升冠六升既葬後以其冠為受衰裳六升冠七升小

祥又以共冠為受衰裳七升冠八升又聞傳小祥練冠孔
 疏云至小祥以卒哭後冠受其衰而以練易其冠而橫渠
 張子之說又曰練衣必煅煉大功之布以為衣故言功衰
 功衰上之衣也以其著衰於上故通謂之功衰必著受服
 之上稱受者以此得名受蓋以受始喪斬疏之衰而著之
 變服其意以喪久變輕不欲摧割之心亟忘於內也據橫
 渠此說謂受以大功之衰則與傳記注疏之說同謂煅煉
 大功之布以為上之衣則非特練中衣亦練功衰也又取
 成服之初衰長六寸博四寸縫於當心者著之於功衰之
 上是功衰雖漸輕而長六寸博四寸之衰猶在不欲哀心
 之遽忘也此說則與先儒異當考今案父母之喪其長六
 寸博四寸之衰終喪服之橫渠之說是也詳篇首斬衰經
 下注云衰斬衰也者此條是言斬衰之制因記未言斬
 故明之云或曰三升半者義服也者以傳記無文故引或
 說為證也李氏云義服者為君服也三升半之衰不見於
 閒傳經記亦無降正義服之文先儒以閒傳齊功之衰各
 有三差之為三等又以此記之三升半為義服今案舊說
 以臣為君之等為斬衰義服不知臣之為君當與子為父
 同戴氏震以三升有半之衰專為公士大夫之臣服其君
 較舊說為長詳前斬衰章云其冠六升齊衰之下也者閒

傳曰齊衰四升五升六升今以六升布為冠是齊衰之下也云斬衰正服變而受之此服也者謂斬衰初服衰三升冠六升既葬變而服衰六升冠七升也云三升三升半其受冠皆同以服至尊空少差也者謂衰有三升三升半之分而冠同六升受冠同七升以斬服所以服至尊不得過為差別也吳氏廷華疑義云衰既稍差冠自不必再差是少差也

齊衰四升其冠七升以其冠為受受冠八升言受以大功之上也此謂

為母服也齊衰正服五升其冠八升義服六升其冠疏正九升亦以其冠為受凡不著之者服之首主於父母疏義曰以其冠為受受冠八升者謂既葬後以初喪成服時之冠七升布為衰更以八升布為冠也注云言受以大功之上也者閒傳曰大功之衰是受以大功之上也云此謂為母服也者閒傳曰為母疏衰四升受以成布七升冠八升是為母服也褚氏云為母雖有期與三年之別而衰四升冠七升則同其說是也云齊衰正服五升其冠八升義服六升其冠九升亦以其冠為受者此因記未言而注申之亦以其冠為受謂既

葬後亦以初噉成服時之冠布為衰也云凡不著之者服之首主於父母者謂齊衰有正服義服而記不悉著之以制服主於父母故特舉為母之服言之舉重以見其餘也

總衰四升有半其冠八升也此謂諸侯之大夫為天子總衰

之精麤也升數在齊衰之中者疏正義曰此記總衰及冠不敢以兄弟之服服至尊也

之則無受也李氏云齊衰五升者冠八升總衰雖四升有半而縷則細故冠與之同注云此謂諸侯之大夫為天子

子總衰也者本上經文云服在小功之上者欲著其縷之精麤也者謂此經噉服之序總衰在小功上以總衰用小

功之縷其精麤同故服序相次是欲著其縷之精麤也云升數在齊衰之中者不敢以兄弟之服服至尊也者齊衰

四升五升六升而此總衰四升有半是在齊衰之中也不敢以兄弟之服服至尊也用齊衰三月章傳文言小功之

服不敢以服至尊故縷與小功同而減其升數與小功異也吳氏延華云經總衰在大功後者以噉期為次也此在

大功前者以升數為次也

大功八升若九升小功十升若十一升此以小功受大功

者主於受服欲其文相值言服降而在大功者衰七升正

服衰八升其冠皆十升義服九升其冠十一升亦皆以其

冠為受也斬衰受之以下大功受之以正者重者輕之輕

者從禮聖人之意然也其降而在小功者衰十升正服衰

十一升義服衰十二升皆以即葛及總麻

無受也此大功不言受者其章既著之

入升九升小功十升十一升十二升彼注云此齊衰多二

等大功小功多一等者以此但云齊衰四升而彼云齊衰

四升五升六升是較此記多二等此記但云大功八升若

九升而彼兼言七升此記但云小功十升若十一升而彼

兼言十二升是較此記多一等故彼注以閒傳是極列衣

服之差與此記主於受服言者異也此記若字當與及字

與字同義經傳釋詞曰若猶及也與也吳氏廷華疑義云

此記大功不言七升者蓋因上齊衰受衰七升明為大功

之衰故與小功不言十二升皆為省文也江氏筠云不言
七升者以與下小功二等相配蓋記人固不悉數備見觀
上齊衰闕二等可明也此與大功章傳俱不言十二升者
當以其止為受冠之所用而衣不及之耳今案吳氏省文

虞豐曰虞二一衣五

之說未明江說與注略近注云此以小功受大功之差也云不言七升者

也者謂以小功二等為大功受服之差也云不言七升者

主於受服欲其文相值者敖氏云注謂記者於小功言十

升若十一升不言十二升是主於受服故於大功亦但言

入升若九升以當之而不必言七升是欲其文相值若謂

七升者亦受十升而并言之則大功三而小功二其文不

相值也鄭意蓋如此云言服降而在大功者衰七升正服

衰入升其冠皆十升義服九升其冠十一升亦皆以其冠

為受也者謂降服衰七升正服衰入升冠皆十升既葬亦

以冠十升之布為衰鄭言此者以大功正服義服受布止差二

一升之布為衰鄭言此者以大功正服義服受布止差二

等故不及十二升也敖氏云此齊衰以至於小功服各有三

等自大功以上皆有受服受冠其受服當下於本服三等

故斬衰受以齊衰之下齊衰三等受以大功三等各如其

次焉大功之上亦受小功之上皆校三等也以例言之大

功之中當受以小功之中大功之下當受以小功之中而

乃不然中者亦受以小功之上大功之下則受以小功之中

校二等此非有他故蓋欲以小功之下十二升者為大功

義服之受冠而然也大功受冠亦多於受布一等云斬衰

受之以下大功受之以正者重者輕之輕者從禮聖人之

意然也者斬衰既葬以冠六升布為受是受以齊衰之下也大功正服亦受以冠十升之布義服受以十一升之布而不受以小功之下是受之以正也所以然者斬衰本重故受服降三等輕之以抑其哀情大功正義服本輕故受服但差二等使之從禮而不至於不及聖人制禮之意如是也云其降而在小功者衰十升正服衰十一升義服衰十二升皆以即葛及總麻無受也者謂小功降服正服義服三者皆以故衰就葛終五月之期而無受服以及總麻三月亦無受故記均不言之也云此大功不言受者其章既著之者謂大功有受服而此亦不言受以大功章明云受以小功衰故此但列其升數之差而已鄭言此者以終明此條主為受服而記之意也

附考五服衰冠升數及降正義服

禮記閒傳而略具於

此記斬衰二等齊衰大功小功各三等而以降正義之服分屬之則傳記無文自鄭此注始賈氏因於疏內極論降正義服其說多遺漏牴牾難以徵信嗣後宋勉齋黃氏榦有服例信齋楊氏復有圖皆以分別三者之服而亦互有同異良由傳記但言降服未有正義之名難於訂證也近盛氏世佐撰儀禮集編更定服圖江氏筠

信禮山書卷二十一
撰讀儀禮私記著降正義服考定其說俱有合有不合
而江氏較爲細密今參稽各家竝下己意別爲圖說於
後

衰冠升數圖說

斬衰

正服衰三升冠六升既葬以其冠爲受衰六升
冠七升 義服衰三升有半冠同六升既葬以
其冠爲受衰六升冠七升

以上衰冠及受衰受冠升數皆本此篇記文以三升半爲
義服出鄭氏注諸家悉仍之又裳與衰同如衰三升者裳
亦三升衰三升有半者裳亦三升有半後放此

齊衰三年服

衰四升冠七升既葬以其冠爲受衰七
升冠八升

此升數亦本此篇記文鄭氏注云此謂爲母服也齊衰正

服五升其冠八升義服六升其冠九升亦以其冠爲受凡
不著之者服之首主於父母是鄭以此衰四升冠七升爲
爲母服也不言父卒者蓋父在爲母雖降三年爲期而衰
冠升數則同故鄭首解之曰爲母服而下卽言齊衰正服
五升義服六升明此五升六升者不以服母也賈於篇首
疏云三年齊衰惟有正服四升冠七升於此記斬衰三升
疏云齊衰之降服四升是降正之名自相歧異也黃例楊
圖皆以爲降服蓋因鄭明言正服五升故不得以此四升
爲正服而又明知降字未安乃爲之說曰此降服乃降斬
衰而爲齊衰也江氏仍之盛氏改降爲正曰爲父斬衰爲

母齊衰服之正也既得伸三年矣不可為降姜氏兆錫亦
駁降斬衰為齊衰之說今案以三年之衰冠為降服者固
非而以為正服亦未的凡言正者對降與義之名此齊衰
三年章無降服義服則亦不必言正但云齊衰三年服以
別之可矣鄭注止云為母服而不言正降者以為正則降
三年而杖期者亦同衰四升冠七升以為降則此三年者
實非降服故空其文今之稱齊衰三年服者本鄭義也

齊衰杖期

降服衰四升冠七升既葬以其冠為受衰
七升冠八升正服衰五升冠八升既葬
以其冠為受衰八升冠九升義服衰六
升冠九升既葬以其冠為受衰九升冠十
升

賈氏疏衰期傳疏標列降正義衰冠升數及受衰受冠升數如此蓋本此記鄭注分別四升五升六升三等服之文也乃篇首疏又云杖期齊衰有正而已父在爲母與爲妻同正服衰五升冠八升不特與鄭義違戾且與疏衰期傳疏亦不合矣後儒多糾其誤黃例不分齊衰三年及杖期不杖期而統標降服正服義服殊混楊圖杖期止有降服正服無義服江氏仍之亦非也盛氏更定圖以降服衰四升正服衰五升義服衰六升冠皆七升受衰亦皆七升受冠皆八升下不杖期章更定降正義衰冠升數俱亦同此不知何據云然斷不可從

齊衰不杖期

降服同上

正服同上

義服同上

此不杖期亦當有三等之服賈疏於不杖章祖父母下云此章有降有正有義是也篇首疏又云不杖期但有正義二等故黃氏譏其自相牴牾也楊圖亦有降正義三等江氏仍之

齊衰三月

正服衰五升冠八升無受

義服衰六升冠九升無受

賈疏謂齊衰三月止有義服無正服黃例楊圖仍之李氏如圭云曾祖父母不當爲義服亦宜衰五升冠八升其說是也今增正服或曰正服衰五升冠八升不與祖父母服同乎曰此所謂禮窮則同也然祖父母期曾祖父母三月

服雖同而月已減矣且鄭注曾祖父母條特云重其衰麻可證也

塲大功九月七月

降服衰七升冠十升無受

大功分降服正服義服三等亦本此記鄭注也此塲大功則有降服而無正服義服楊氏云塲大功九條皆降服是也賈篇首疏云塲大功有降有義降服衰七升冠十升義服衰九升冠十一升黃例因增義服江氏仍之盛氏從楊圖今案鄭注明云服降而在大功者衰七升此塲服皆是降服則不得別爲義服九升明矣蓋降而在大功者其服本非大功因降在此當重於正服義服故塲大功在大功

前場小功在小功前以其有齊斬之服降在此也賈疏謂有義服由未理會鄭注服降而在大功者衰七升一語耳

大功

降服衰七升冠十升既葬以其冠為受衰十升冠十一升正服衰八升冠十升既葬以其冠為受衰十升冠十一升義服衰九升冠十一升既葬以其冠為受衰十一升冠十二升

此降正義三等既葬皆以其冠為受亦本此記鄭注也賈

氏疏衰期傳疏列大功三等服如此黃例楊圖同二家皆

云自斬衰至大功降服凡八條冠皆校衰三等正服義服

二條冠皆校衰二等蓋謂大功降服衰七升冠十升是冠

校衰差三等也以上斬衰齊衰皆然大功正服衰八升冠

亦十升大功義服衰九升冠十一升是冠校衰止差二等

也江氏仍之盛氏則以降正義三等衰雖異而冠同十一升受衰亦皆十一升受冠皆十二升與鄭注違不可從

總衰七月

衰四升有半冠八升既葬除之

總衰鄭注無義服字黃例楊圖同以服止一等無庸區別也賈疏標義服之名盛氏江氏仍之非

塲小功

降服衰十升冠升同無受

塲無正義服辨已見前此記鄭注云其降而在小功者衰十升一語足為確據賈疏謂塲小功有降有義降則衰冠同十升義則衰冠同十二升黃例楊圖因此皆有義服之目江氏仍黃楊盛氏駁之更定為降服是矣或曰塲大功塲

小功服亦止一等何必言降曰成人大功小功皆有降有正有義不言降無以別之且孀為降服見傳注此定名也

小功

降服衰十升冠升同即葛五月無受 正服衰十一升冠升同即葛五月無受 義服衰十二升冠升同即葛五月無受

小功分降服正服義服三等亦本此記鄭注黃例楊圖標列同江氏仍之盛氏更定圖以孀小功降服小功降正義服冠皆十五升抽其半則與疏衰期傳總麻小功冠其衰也一語顯悖矣不可從

總麻

降正義同衰十五升抽其半冠升同無受

此本黃例楊圖賈疏云總麻亦有降有正有義但衰冠同

十五升抽去半而已則又黃楊所本也盛氏江氏俱同

降正義服圖說

斬衰正服

父 諸侯為天子 君 父為長子 為
 人後者為其父母 妻為夫 妾為君
 女子子在室為父 子嫁反在父之室為
 父 附傳父卒然後為祖父後者服斬
 公士大夫之眾臣為其君布帶緇履

斬衰義服

黃例楊圖皆以諸侯為天子君公士大夫之眾臣為其君
 三條入義服蓋因賈氏篇首疏云為君以三升半為義及
 此記衰三升疏云諸侯為天子臣為君之等是義斬之文
 也盛氏江氏仍之今案戴氏震金氏榜皆以三升半之衰
 為專指公士大夫之臣為其君言其說甚確蓋喪服經文

列諸侯為天子及君於父後明君父同尊衰冠不得有異也今順經文之次列二者於父為長子之前而舊說之誤自見詳斬衰章公士大夫之眾臣為其君布帶繩屨下附傳一條黃列入楊無盛亦無江從黃例說見後

齊衰三年服

父卒為母 繼母如母 慈母如母 母為長子 附記妾為君之長子 附 小記祖父卒而後為祖母後者三年

黃例楊圖皆以父卒為母繼母如母慈母如母三條為降服母為長子及附記一條為正服江氏仍之盛氏改降為正以為母三條及母為長子一條皆為正服以附記一條為義服謂舊以母為長子為正服衰冠升數皆下降服一

等案父爲長子既無所降母不應有異故進與爲母者同
今案以母爲長子與子爲母衰冠升數同其說是也但齊
衰三年服不立降正義之名說已詳前今以正經四條及
附二條同列爲三年服焉附小記一條黃列入降服楊無
盛亦無江從黃例說見後

齊衰杖期降服

父在爲母

齊衰杖期正服

妻

齊衰杖期義服

出妻之子爲母
之服報

父卒繼母嫁從爲

賈疏以父在爲母與爲妻同正服衰五升冠八升誤辨見
前黃例以四條同列入正服而於父在爲母下注云當是

降服楊圖改父在爲母爲降服是矣而餘三條同入正服
猶未當江氏依楊圖盛氏則以出妻之子爲母父卒繼母
嫁從爲之服二條亦入降服尤非蓋出母嫁母當與父在
爲母衰冠有別子爲母本空三年因父在而降至期故爲
降服若母爲父所出及母嫁而子從皆已自絕於父本可
無服子之服之一則以有親者屬之義一則以有答其養
育之義而加服以伸其情何得爲降且不特不得爲降而
已凡此皆服之變亦不得云正也當改入義服爲允

齊衰不杖期降服

爲人後者爲其父母報女子子
適人者爲其父母公妾以及士
妾爲其父母

齊衰不杖期正服

祖父母 世父母叔父母 昆弟
為眾子 昆弟之子 適孫

公妾大夫之妾為其子 不降正

大夫之適子為妻 大夫之庶

子為適昆弟 女子適人者為

其昆弟之為父後者 姑姊妹女

子子適人無主者 姑姊妹報女

子子為祖父母 大夫之子為世

父母叔父母子 昆弟昆弟之子姑

姊妹女子子無主者為大夫命婦

者惟子不報 大夫為祖父母適

孫為士者

繼父同居者 為夫之君 為君

之父母妻長子 祖父母 妾為女

君婦為舅姑 夫之昆弟之子

齊衰不杖期義服

以上黃例楊圖略同唯不降之服黃例俱入之正服中而

注明不降字於其下楊圖則別為不降正之目曰降則為

大功唯不降故在正服今從楊圖又適孫一條楊圖入之不降正江氏移於正服內而爲之說曰信齋列適孫於不降正蓋因傳不敢降其適之云也然傳所云不敢降有不可得而泥者蓋必有降之者而後可名爲不降大夫之適子爲妻傳鄭注云降有四品君夫夫以尊降公子大夫之子以厭降公之昆弟以笏尊降爲人後者女子子嫁者以出降則不降之服唯此四者內有之耳此傳云不降者蓋對庶孫以立文猶之母爲長子傳對眾子立文而曰父之所不降母亦不敢降也初不得謂之不降服又大功章適婦一條傳亦有不降其適之文信齋列之正服則此宜如

之明矣今案黃例適孫下無不降二字江說息從之

齊衰三月正服

曾祖父母 會祖父母為士者如眾人 女子子嫁者未嫁者為曾祖父母

齊衰三月義服

寄公為所寓 庶人為國君 為舊君君之母妻 大夫在外其妻長子為舊國君 舊君 丈夫婦人為宗子宗子之母妻 繼父不同居者不降義 大夫為宗子

舊說齊衰三月止有義服無正服辨見前黃例依經文為

次楊圖分四層以為曾祖父母者為首以為宗子者次之

而附記宗子孤為塲大功衰小功衰皆三月親則月算如

邦人一條於下以寄公為所寓及為君者又次之以繼父

不同居者一條終焉江氏以宗子孤爲塲一條分附塲大功塲小功之後其說曰經文而外勉齋所附入者孫爲祖承重二條及妾爲君之長子一條是也信齋無承重二條而增宗子孤爲塲一條蓋信齋惟取本經記勉齋兼取子夏傳其并附小記一條者則以傳故及之耳今竝仍之但信齋以宗子孤爲塲附於齊衰三月大夫爲宗子之下蓋取其月數同也然此爲塲服又其衰爲大功小功且所謂月算如邦人者中含九月七月五月之正數則宜析之爲二而各附於其塲服之末今案宗子孤爲塲一條本是塲服不空附在此章江說是也又江氏於此章別立不降義

之目以大夫為宗子曾祖父母為士者如眾人女子子嫁者未嫁者為曾祖父母三條入焉下章又別立不降降之目說詳後今標目依之而以為曾祖父母二條入正服更定於右

塲大功降服

子女子子之長塲中塲 叔父之長塲
中塲 姑姊妹之長塲中塲 昆弟之
長塲中塲 夫之昆弟之女子子之
長塲中塲 適孫之長塲中塲 大夫
之庶子為適昆弟之長塲中塲 不降
降 公為適子之長塲中塲 大夫為
適子之長塲中塲 附記宗子孤為塲
大功衰三月親則月算如邦人

以上楊圖不一一開列但總標之曰塲九條皆降服黃例則以夫之昆弟之子女子子之長塲中塲一條為義服江

氏依之盛氏仍移入降服云案世叔母爲夫之昆弟之子
在不杖期章則爲義服旣以塲降在此亦當爲降服其說
是也今從之江氏於上章別立不降義之目此又別立不
降降之目其說曰不降之服勉齋俱入之正服中信齋別
立不降正之目然竊謂不降之服降正義三等中俱有之
宐於三者之內各標不降之目然後服制不至混誤其說
是今標目依之唯江氏於不降降下注云有塲降無尊降
以大夫之庶子爲適昆弟之長塲中塲公爲適子之長塲
中塲大夫爲適子之長塲中塲三條入焉案大夫之庶子
爲適昆弟本服是加非降也此似誤今仍移入降服餘從

之附記一條亦依江氏附入說見前

大功降服

姑姊妹女子子通人者為人後者為其昆弟女子子通人者為眾昆弟姪女

夫婦人報大夫為世父母叔父母子昆弟昆弟之子為士者公之庶昆弟大夫

之庶子為母妻昆弟為夫之昆弟之婦人子適人者大夫之妾為君之庶子

女子子嫁者未嫁者為世父母叔父母姑姊妹不降降大夫大夫之妻大夫之

子公之昆弟為姑姊妹女子子嫁於大夫者君為姑姊妹女子子嫁於國君者

從父昆弟庶孫適婦不降正皆為其從父昆弟世父母叔父母

夫之祖父母世父母叔父母

大功正服

大功義服

姪丈夫婦人報黃例舊列於正服為夫之昆弟之婦人子

適人者黃例舊列於義服盛氏以此二條移入降服其言

曰姑在室爲姪姪爲姑與世叔父同本皆服期夫之昆弟
之婦人子亦夫之昆弟之子也本服期二者皆以適人降
大功當爲降服大夫之妾爲君之庶子一條江氏移入降
服而爲之說曰妾爲君庶子之服經凡三見大功九月章
大夫之妾爲君之庶子一也媯小功章大夫之妾爲庶子
之長媯二也小功五月章大夫之妾爲庶子適人者三也
勉齋於大功一條屬之義服媯小功一條屬之降服信齋
於大功一條屬之正服媯小功一條屬之降義服其小功
五月一條則俱屬之降服竊謂婦人爲夫之族類是義服
君之子非可以他族類比今定此三條俱爲降服大功以

從乎女君而降。塲小功以爲塲而降。成人小功以出適而
降。今案盛氏江氏說是俱從之。又大夫大夫之妻大夫之
子公之昆弟爲姑姊妹女子子嫁於大夫者君爲姑姊妹
女子子嫁於國君者二條黃例列於正服之後。注云有出
降無尊降。楊圖列於不降。正盛氏移入降服。江氏以此二
條別爲不降。降今從江氏。

總衰七月服

諸侯之大夫爲天子

塲小功降服

叔父之下塲 適孫之下塲 昆弟之
下塲 大夫庶子爲適昆弟之下塲

爲姑姊妹女子子之
下塲 爲人後者
爲其昆弟之長塲 從父昆弟之長塲

爲夫之叔父之長塲 昆弟之子女
子子之下塲 夫之昆弟之子女子

之下嬭為姪庶孫丈夫婦人之長嬭
 大夫公之昆弟大夫之子為其昆弟
 庶子姑姊妹女子子之長嬭大夫之
 妾為庶子之長嬭附記宗子孤為嬭
 小功衰三月親則月算如邦人

嬭無正義服黃例以為夫之叔父之長嬭夫之昆弟之子
 女子子之下嬭二條為義服江氏仍之楊圖以為夫之叔
 父之長嬭大夫之妾為庶子之長嬭二條為降義服皆非
 也今從盛氏皆移入降服又江氏以大夫庶子為適昆弟
 之下嬭一條別入不降降亦非辨見嬭大功章今仍移入
 降服附記一條則從江氏附入也

小功降服

從父姊妹孫適人者 為人後者為其姊
 妹適人者 大夫大夫之子公之昆弟為

從父昆弟庶孫姑姊妹女子適士者

大夫之妾為庶子適人者

從祖祖父母從祖父母報從祖昆弟

為外祖父母從母丈夫婦人報庶婦

君母之父母從母君子子為庶母慈

己者

夫之姑姊妹弟姒婦報

小功正服

小功義服

以上次序俱本黃例唯從父姊妹孫適人者當作一句讀

黃例因賈疏誤分為二楊圖同皆非也江氏云從父姊妹

勉齋列之降服信齋列之正服案經下云孫適人者適人

二字實總姊妹孫三者言之蓋本為一條也考鄭於大功

章從父昆弟注云其姊妹在室亦如之然則鄭明謂此為

適人者而服降於在室一等矣宜從勉齋所定無疑也盛

氏亦列之降服今從之

總麻降服

庶孫之中孀 從祖父從祖昆弟之長孀
 從父昆弟姪之下孀 夫之叔父之孀
 孀下孀 從母之長孀報 夫之姑姊妹
 之長孀 從父昆弟之子之長孀 昆弟
 之孫之長孀 以上皆孀服 從祖姑姊妹
 妹適人者報 庶子為父後者為其母
 族曾祖父母 族祖父母 族父母 族
 昆弟 庶孫之婦 外孫 士為庶母 族
 從祖昆弟之子 會孫 父之姑從母
 昆弟 甥 婿 妻之父母 姑之子
 舅 舅之子 君母之昆弟

總麻正服

總麻義服

貴臣貴妾 乳母 夫之諸祖父母報
 為夫之從父昆弟之妻

以上略依江氏考定唯夫之叔父之中孀下孀夫之姑姊妹之長孀二條黃例楊圖俱別為義服江氏因之盛氏移

入降服今從盛氏又從祖姑姑姊妹適人者報庶子爲父後者爲其母士爲庶母乳母四條江氏或從黃或從楊其說曰從祖姑姑姊妹適人者報勉齋列之正服信齋列之降服案此本服小功以出適降一等則信齋是也庶子爲父後者爲其母信齋列之正服勉齋列之降服案注云君卒庶子爲母大功大夫卒庶子爲母三年士雖在庶子爲母如眾人是不爲父後之服如此今服總以爲父後而降則勉齋是也其士爲庶母及乳母二條勉齋俱列之義服信齋俱列之正服案經於齊衰三年章見慈母之服於小功章見君子子爲庶母慈己者之服彼兩條皆爲正服則此爲

庶母宐如之至乳母注云謂養子者有他故賤者代之慈
已既爲賤者又因慈母有故而代之固視三母爲有間矣
先儒以庶母爲父妾之有子者乳母爲僱他人之婦俱係
不易之論士爲庶母當從信齋入正服乳母當從勉齋入
義服今案江說是也○又案黃氏云降正義服之中其取
義又有不同者有從服有報服有名服有加服又有生服
盛氏因之一一編列今每類略舉數條列於後餘可例推
從服如婦爲舅姑不杖期妻從夫而服爲君之父母妻長
子祖父母不杖期臣從君而服大夫之妾爲君之庶子大
功妾從君而服君母之父母從母小功子從母而服妻之

父母總夫從妻而服之類是也報服如杖期章繼母嫁從
爲之服報不杖期章爲人後者爲其父母報大功章姪丈
夫婦人報小功章從祖祖父母從祖父母報總麻章從祖
姑姊妹適人者報之類是也名服如世母叔母不杖期士
爲庶母總之類以母名服是也加服如爲外祖父母小功
以尊加從母小功以名加君子子爲庶母慈己者小功以
慈己加是也生服如夫之姊妹婦小功以相與居室中則
生小功之親焉爲夫之從父昆弟之妻總以相與同室則
生總之親焉是也

卷二十五終